



REPUBLIKA E SHQIPËRISË

KUVENDI I SHQIPËRISË

KOMISIONI PËR VEPRIMTARITË PRODHUESE, TREGTINË DHE MJEDISIN

Tiranë më, 26.9.2017

Dokument parlamentar

RAPORT

PËR

DEKRETIN E PRESIDENTIT NR. 9765, DATË 14.10.2016 “PËR KTHIMIN PËR RISHQYRTIM TË LIGJIT NR. 92/2016 “PËR DISA SHTESA DHE NDRYSHIME NË LIGJIN NR. 10463, DATË 22.09.2011, “PËR MENAXHIMIN E INTEGRUAR TË MBETJEVE”, TË NDRYSHUAR””

Komisioni për Veprimtaritë Prodhuese, Tregtinë dhe Mjedisin, në cilësinë e komisionit përgjegjës, shqyrtoi dekretin e presidentit nr. 9765, datë 14.10.2016 “Për kthimin për rishqyrtim të ligjit nr. 92/2016 “Për disa shtesa dhe ndryshime në ligjin nr. 10463, datë 22.09.2011, “Për menaxhimin e integruar të mbetjeve”, të ndryshuar””, në mbledhjen e datës 26 shtator 2017.

Ligji 92/2016 synon rilejimin e importit për mbetjet e ngurta jo të rrezikshme të listës së gjelbër, *si lëndë e parë dytësore*, për të plotësuar nevojat dhe kërkesat e industrisë ricikluese të vendit, për qëllime riciklimi dhe përdorimi si zëvendësues, të lëndëve të tjera nga burime jo të rinovueshme.

Presidenti me dekretin nr. 9765 datë 14.10.2016 ka kthyer ligjin për rishqyrtim me argumentimet e mëposhtme:

- Ligji 92/2016 është në kundërshtim me Direktivën 2008/98/EC, sipas të cilës duhet të zbatohet parimi i “vetëmjaftueshmërisë dhe afërsisë” dhe për më tepër nuk është një detyrim që rrjedh nga Marrëveshja e Stabilizim Asocimit apo nga ndonjë marrëveshje tjetër ndërkombëtare të ratifikuar nga Republika e Shqipërisë.
- Ligji bie ndesh me nenin 59 të Kushtetutës, përmes të cilit përcaktohet se: “Shteti brenda kompetencave dhe mjeteve që disponon, si dhe në plotësim të nismës dhe të përgjegjësisë private, synon një mjedis të shëndetshëm dhe ekologjikisht të përshtatshëm për brezat e sotëm dhe të ardhshëm.”.
- Procedurat e ndjekura në miratimin e ligjit kanë qenë të përshejtuara, në mungesë informacioni, transparence dhe pjesëmarrjeje të qytetarëve shqiptarë, në kundërshtim me nenin 56 të Kushtetutës referuar të drejtës së qytetarëve për t’u informuar me gjendjen e mjedisit dhe për mbrojtjen e tij, si dhe Konventën e Aarhus “Për të drejtën e publikut për të pasur informacion, për të marrë pjesë në vendimmarrje dhe për t’iu drejtuar gjykatës për çështjet e mjedisit.”.

Dekreti i presidentit nuk i referohet neneve të veçanta, por e argumenton në parim ligjin duke kërkuar moslejimin e importit të mbetjeve jo të rrezikshme si lëndë e parë dytësore.

Në përfundim të diskutimeve, Komisioni, me shumicën e votave të të gjithë anëtarëve të pranishëm, vendosi t'i rekomandojë seancës plenare **miratimin e dekretit** të Presidentit të Republikës , nr. 9765, datë 14.10.2016 “Për kthimin për rishqyrtim të ligjit nr. 92/2016 “Për disa shtesa dhe ndryshime në ligjin nr. 10463, datë 22.09.2011, “Për menaxhimin e integruar të mbetjeve”, të ndryshuar””.

Besnik BARAJ

Eduard SHALSI

Relator

Kryetar